

6. ORDENANTZA FISKALA, ADMINISTRAZIO AGIRIAK EMATEAGATIK EZARRITAKO TASAK ARAUTZEN DITUENA

I. OINARRIA ETA IZAERA

1. ARTIKULUA

Erandioko Udalak administrazio agiriak emateagatik tasak ezarri eta eskatuko ditu Ordenantza honetan xedatuaren arabera eta Lurralde Historikoko Toki Ogasunak arautzen dituen Foru Arauan ezarritakoarekin bat etorritz. Ordenantzaren zati den eranskinean jasotzen dira aplikagarri diren tarifak.

2. ARTIKULUA

Ordenantza hau udal mugarte osoan aplikatuko da.

II. ZERGAGAIA

3. ARTIKULUA

Interesdunaren eskariz administrazio-agiriak egiteko garatzen den administrazio jarduera da tasaren zergagaia; interesdunaren eskariz egindakotzat jotzen dira interesdunak zuzenean eskatutakoak eta baita haren egite edo ez egiteak eraginda izapidetutako dena delako agiriak ere.

Ondorio hauetarako, edozein administrazio-agiri interesdunaren eskariz izapidetutzat emango da berak eragindakoa edo bere onerakoa bada, eskari zuzena egin ez badu ere.

III. SUBJEKTU PASIBOA

4. ARTIKULUA

Ondorengoak dira tasa hauen subjektu pasiboak: dena delako administrazio-agiriaren edo espedientearen gaineko izapideak egitea eskatu edo eragiten duten pertsona fisikoak, pertsona juridikoak eta Zergei buruzko Foru Arau Orokorrek 34 eta 35. artikuluetan aipatzen dituen erakundeak

IV. ARDURADUNAK

5. ARTIKULUA

1. Zergei buruzko Foru Arau Orokorreko 40 eta 41 artikuluek aipatzen dituzten pertsona fisiko eta juridikoek izango dute subjektu pasiboari dagozkion zerga-obligazioen gaineko betebeharrak solidarioa.

2. Zergei buruzko Foru Arau Orokorreko 42. artikuluan xedatuaren arabera, ondoko hauek izango dira erantzule subsidiario: elkarteetako administrazioaileak eta sindikoak, kontuhartzaileak eta kiebra, lehiaketa, elkarte eta edozein entitateko kitatzaileak.



V. SALBUESPENAK

6. ARTIKULUA

Erakunde ofizialek ez dute tasa ordaindu beharrik izango.

VI. KUOTA

7. ARTIKULUA

Izapidetu beharreko agiri edo espedienteen izaeraren arabera ezarritako zenbateko jakin batez finkatuko da zerga-kuota, eranskinean azaldutako tarifen arabera.

VII. SORTZAPENA

8. ARTIKULUA

Udal administrazioak agiria ematen duen unean sortuko da tasa.

VIII. XEDAPEN GEHIGARRIA

Aurrekontuei buruzko Foru Arauen bidez zein zuzenean aplikagarri diren bestelako arau edo xedapenen bidez Tasaren araubidean gertatzen diren aldaketek Ordenantza Fiskal honen aldaketa eragingo dute, besterik gabe.

IX. AZKEN XEDAPENA

Honako Ordenantza hau 2008ko urriaren 29an izandako Osoko Bilkuran aldatu du Udalbatza Osoak, eta 2009ko urtarrilaren lehenetik sortuko ditu ondorioak, harik eta aldatzea edo indargabetzea erabaki arte. Ordenantza fiskal honen zati bat aldatuz gero, aldatu gabeko gainontzeko artikuluek indarrean iraungo dute.

ERANSKINA

TARIFAK

1.- Ahalen askiespena:

Udal bulegoetan indar izango duen ahalen askiespen-eginbide bakoitzeko34,30 €

2.- Aire konprimatuzko karabinak eta antzeko armak erabiltzeko baimenak, arma-txartela ematean7,50 €

3.- Agirien fotokopiak0,23 €



4.- Udalerriko udal antolamenduari dagozkion planoak egitea, metro karratu edo zatiko

PAPER BERREGINKORREAN

1 : 200 eskala	35,80 €
1 : 500	29,80 €
1 : 1.000	23,90 €
1 : 2.000	17,90 €
1 : 5.000	11,90 €
1 : 10.000	6,00 €

KOPIA PAPEREAN

1 : 200 eskala	16,00 €
1 : 500	13,50 €
1 : 1.000	10,85 €
1 : 2.000	8,00 €
1 : 5.000	5,40 €
1 : 10.000	2,70 €

5.- Era guztietako eraikinei dagozkien planoak lortzeko, paper berreginkor normalduan eginiko lanak, m2-ko edo zatiko59,70 €

6.- Kaleen zein finen lerrokadura eta sestrak determinatzea plano normalduan, metroko edo zatiko17,15 €

7.- Ordenagailuak erabiltzea, orduko edo zatiko141,55 €

8.- Makineria periferikoa erabiltzea, ordu erreal bakoitzeko22,40 €

9.- Azken bosturtekoan hartukoak izan eta udal bulegoetan jasota dauden erabakiei buruzko ziurtagiriak3,00 €

10.- Udal funtzionarioen izendapen, titulu, jabetzan betetze edo lanpostu-uzteen gaineko ziurtagiriak1,50 €

11.- Interesatuaren eskariz izapidetu eta udal zerbitzuren baten kudeaketa bereziz lortzen diren informazioen gaineko ziurtagiriak37,20 €

12.- Partikularren eskariz luzatzen diren bestelako egiazttagiriak3,00 €

13.- Hirigintzako ziurtagiriak:57,15 €

14.- Ordenantza bakoitza2,15 €

15.- Udaltzainek interesdunen eskariz egindako trafiko istripuei buruzko txostenak eta argiketak46,70 €